

ՊԱՐԶԱԲԱՆՈՒՄ

2013թ. օգոստոսի 20-ին **top-news.am** ինտերնետային կայքում տեղադրված՝ “Սահմանամերձ գյուղին զրկեցին ամառային արոտավայրերից” նյութի կապակցությամբ տեղեկացնում ենք, որ, հաշվի առնելով “Տեղական ինքնակառավարման մասին” օրենքի 3-րդ հոդվածի պահանջները, Հայաստանի Հանրապետության կառավարությունը 27.10.2005թ. թիվ 1873-Ն որոշմամբ ընդունել է “Հայաստանի Հանրապետության համայնքների վարչական սահմաններից դուրս գտնվող՝ տարբեր կատեգորիաների հողերը համայնքների վարչական սահմաններում ընդգրկելու մասին ծրագրի հայեցակարգը”։ Համաձայն այդ որոշման 2-րդ կետի համայնքների վարչական սահմաններից դուրս գտնվող տարբեր կատեգորիաների հողերը համայնքների վարչական սահմաններում ընդգրկելու մասին ծրագիրն իրականացվել է այդ տարածքները միայն սահմանակից համայնքների միջև բաշխելու միջոցով։ ՀՀ կառավարությանն առընթեր անշարժ գույքի կադաստրի պետական կոմիտեի ենթակայության տակ գտնվող “Հողաշինարար” ընկերության կողմից կազմվել է համապատասխան նախագիծ Տավուշի մարզի համայնքների վարչական սահմաններից դուրս գտնվող տարբեր կատեգորիաների հողերը համայնքների վարչական սահմաններում ընդգրկելու մասին։ Նախագծի շուրջ տեղի ունեցած մի շարք քննարկումների և լրամշակման արդյունքում գտնվել են մարզի 27 համայնքներում առաջացած խնդիրների լուծման տարբերակներ, և այդ համայնքների երկրորդ հատվածները միացվել են իրենց։ Ինչ վերաբերում է Բերքաբեր համայնքին, ապա այն երեք երկրորդ հատված չի ունեցել։ Իսկ նախկինում նրա կողմից օգտագործվող տարածքները /պետֆոնդի արոտները/ սահմանակից չէին, և համայնքին միացնելու համար պետք է երեք այլ համայնքների վարչական սահմանների փոփոխություն կատարվեր։ 1996 թվականից համայնքների վարչական սահմաններից դուրս գտնվող տարբեր կատեգորիաների հողերը տնօրինվել են մարզպետների կողմից, իսկ Բերքաբերի համայնքը ոչ մի անգամ չի դիմել հեռագնա արոտներից սահմանված կարգով օգտագործելու համար։ Միաժամանակ հարկ ենք համարում նշել, որ Բերքաբեր համայնքի դիմելու դեպքում մարզպետարանը պատրաստ է սահմանված կարգով, Լուսաձոր համայնքի միջոցով, նախկինում Բերքաբերի կողմից օգտագործվող տարածքը ամբողջությամբ հատկացնել համայնքին։